


Republika e Kosovës
Republika Kosova – Republic of Kosovo

ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY

AKT PËRCJELLËS

Për:	Menaxherin e prokurimit Komuna Prishtinë	Kopje:	Paneli Shqyrtues - OSHP
Prej:	Visar Basha – Ekspert shqyrtues i prokurimit 		
Lënda:	Ekspertiza lidhur me Ankesën Nr. 146/17 e OE “New Line” - Prishtinë.		
Datë:	29.05.2017		

Bazuar në nenin 114 të Ligjit Nr. 04/L-042 të Prokurimit Publik të Kosovës ju njoftoj me raportin e ekspertizës, lidhur me ankesën e parashtruar me dt: 18.05.2017 me Nr. 146/17 nga OE “New Line” - Prishtinë, për shqyrtimin e lëndës: **“Furnizim me artikuj ushqimor për nevojat e kuzhinës së Institucioneve parashkollore në Prishtinë”**, me numër të prokurimit: PR616/16/169/111, të iniciuar nga Autoriteti Kontraktues (AK) – **Komuna Prishtinë**.

AK është i thirrur që pas marrjes së raportit të ekspertit shqyrtues lidhur me këtë kërkesë, të veprojë sipas kërkesave të nenit 115 të LPP-së.


Të bashkangjitur gjeni raportin e ekspertit shqyrtues.

Ti dorëzohet:

- Autoritetit Kontraktues – **KOMUNA PRISHTINË**
- Panelit Shqyrtues – **OSHP.**
- OE ankues – **NEW LINE.**

Raporti i ekspertit shqyrtues për lëndën: **“Furnizim me artikuj ushqimor për nevojat e kuzhinës së Institucioneve parashkollore në Prishtinë”**, me numër të prokurimit: PR616/16/169/111, të iniciuar nga Autoriteti Kontraktues (AK) – **Komuna Prishtinë**.

RAPORTI I EKSPERTIT SHQYRTUES

	24.05.2017	24.05.2017	29.05.2017
Nënshkrimi i ekspertit	Data e autorizimit të eksp.	Data e fillimit të ekspertizës	Data e dorëzimit të raportit

N. 105, LPP - Baza ligjore e shqyrtimit

Me datën 18.05.2017, Organi Shqyrtues i Prokurimit ka pranuar ankesën me nr. 146/17 e parashtruar nga OE "New Line", me seli në Prishtinë, lidhur me aktivitetin e prokurimit: **"Furnizim me artikuj ushqimor për nevojat e kuzhinës së Institucioneve parashkollore në Prishtinë"**, me numër të prokurimit: PR616/16/169/111, të iniciuar nga Autoriteti Kontraktues (AK) – **Komuna Prishtinë**. Konform nenit 113 të Ligjit Nr. 04/L-042, Eksperti Shqyrtues e ka shqyrtuar dhe analizuar lëndën e (AK) – **Komunës së Prishtinës (KP)**.

N.111 i LPP-së - Operatori Ekonomik Ankues "New Line", me seli në Prishtinë.

Pikat e Ankesës nga OE "New Line" - dispozitat e shkelura nga Autoriteti Kontraktues:

- Neni 6 - Ekonomiciteti dhe Efikasiteti;
 - Neni 7 - Barazia në trajtim / jo Diskriminimi;
 - Neni 59 - Ekzaminimi, vlerësimi dhe krahasimi i tenderëve;
 - Neni 60 - Kriteret për dhënie të kontratës;
- Rregullat për çmime Jo-Normalisht të ulëta.

Deklaratë detale mbi faktet dhe argumentet:

AK: me datë 16.01.2017, përmes shkresës elektronike ka kërkuar nga OE sqarime shtesë lidhur me artikullin numër 47 (mish viç i freskët), duke cilësuar çmimin e këtij artikulli si çmim jo-normalisht i ulët.

Përgjigjja e OE:

Pas kësaj kërkesë kompania jonë ka kontrolluar listën e çmimoreve dhe ka gjetur se gjatë vendosjes së çmimeve, ka ndodhë një gabim teknik (në vend se çmimi të vendoset 7.00 euro është vendosur 0.70 euro). Pas analizimit të ofertës tonë financiare kemi ardhur në përfundim se edhe pse kemi humbje në artikullin nr 47, artikujt tjerë janë me fitim dhe në total kompania gjeneron fitim nga furnizimet e këtij projekti.

Kërkesa shtesë nga AK:

Pas sqarimit tonë lidhur me çështjen e ngritur nga AK, i njëjti nuk është bindur me sqarimin e OE dhe përmes shkresës elektronike të datës 17.01.2017 ka kërkuar dëshmi tjera më bindëse për t'u siguruar se OE ka kapacitete të mjaftueshme për të ekzekutuar këtë projekt.

Përgjigjja e OE:

Kompania jonë i është përgjigjur AK duke thënë, se ne jemi të gatshëm që përpos vlerës obligative të sigurimit të ekzekutimit (10 % të vlerës së kontratës me kohëzgjatje 13 muaj), ta pranojmë një rritje

të përqindjes së sigurimit të ekzekutimit si vlerësimi të AK-së.

Kërkesa e AK:

AK ka kërkuar që sigurimi i ekzekutimit të tenderit të jetë në vlerë prej 20 % të shumës totale vjetor të kontratës me kohëzgjatje 13 muaj. Kompania jonë duke qenë e bindur se ka kapacitete dhe përfitim ekonomik në këtë projekt, ka pranuar kërkesën e AK, si dhe ka dorëzuar polisen e sigurimit të ekzekutimit të tenderit në vlerë prej 20 % të shumës totale të kontratës në kohëzgjatje prej 13 muajve. Duke u bazuar në vlerësimin paraprak të AK, mendimin e ekspertit shqyrtues të OSHP - së si dhe vendimit të panelit shqyrtues të OSHP-së, vendim ky i cili ka kërkuar nga AK që lënda të kthehet në rivlerësim, ky rivlerësim të bëhet duke u bazuar në nenin 61 të LPP-së, duke respektuar nenin 4 paragrafi 4.4 dhe paragrafi 4.6 të rregullores B57, kompania jonë konstaton si në vijim:

Vendimi i Panelit të OSHP - së tregon udhëzime për AK që gjatë rivlerësimit të bazohet në nenin 61 të LPP -së, duke respektuar nenin 4 paragrafi 4.4 dhe paragrafi 4.6 të rregullores B57.

Neni 4

Procedura e Shqyrtimit (inter partes)

4.1 Kur një tender konsiderohet si jo normalisht i ultë në pajtim me Nenin 61 të LPP dhe paragrafit 3.1 ose 3.2 të këtyre rregullave, një tender i tillë nuk mund të refuzohet pa hetimin dhe shqyrtimin e elementeve të rëndësishme që shkaktoi tenderin veçanërisht të

4.2 Në rast se një tender (apo një pozicion i tenderit) duket të jetë abnormalisht i ulët, Autoriteti Kontraktues duhet të kërkojë me shkrim nga operatori ekonomik i cili ka dorëzuar tenderin që duket të jetë jo-normalisht i ultë, një deklaratë me shkrim e cila përfshinë një zbatim të detajuar të pjesëve relevante të tenderit dhe e cila përfshinë një shpjegim për çmimin e ulët duke përdorur formularin standard të miratuar nga KRPP-ja "Shkresa Standarde për tenderët jo-normalisht të ulët".

4.3 Operatori Ekonomik do t'i përgjigjet me shkrim Autoritetit Kontraktues. Nëse jo, tenderi do të refuzohet.

4.4 Gjatë përcaktimit se nëse një tender është jo normalisht i ulët. Autoriteti kontraktues duhet të marrë në konsideratë:

4. 4.1 ekonominë e procesit të prodhimit, të shërbimeve të ofruara dhe/ose të metodave të ndërtimit:

4. 4.2 Çfarëdo zgjidhje teknike që janë ofruar ose zgjedhur:

4.4.3 çfarëdo kushte veçanërisht të favorshme që janë në dispozicion për tenderuesin për furnizimin e produkteve, sigurimin e shërbimeve, ekzekutimin e projekteve të punëve dhe/ose ushtrimin e aktiviteteve të ndërtimit që janë duke u prokuruar dhe/ose

4. 4.4 Originalitetin e furnizimeve, shërbimeve, punës ose punëve të propozuara.

4.5 Përveç elementeve të tenderit të përcaktuara në nenin 4.4 të këtyre rregullave, Autoriteti kontraktues duhet të marrë në konsideratë:

4.5. I elementet e tenderit përfshirë elementet e nën-totaleve për paga si dhe kompensimet, materialet, kostot fikse dhe profitet.

4.6 Pasi që Autoriteti kontraktues merr shpjegimin me shkrimi nga Operatori Ekonomik, Autoriteti Kontraktues duhet ose

4.6.1 Nëse sqarimi është i mjaftueshëm, të trajtoi tenderin njëjtë me tenderët tjerë.

ose

4.6.2 Nëse sqarimi nuk mjafton, të refuzoi tenderin dhe, ne përputhje me nenin 61 të LPP-se të njoftoi KRPP, duke përdorur formëri standarde të miratuar nga KRPP. “Njoftim për refuzim të tenderit abnormalisht të ulët”, brenda dy dite nga data e vendimit.

AK në vlerësimin e parë ka respektuar plotësisht nenin 4 të rregullores B57 duke kërkuar me shkrim nga OE dëshmi shtesë për artikullin abnormalisht të ulët, OE i është përgjigjur kërkesës së AK duke deklaruar se është i gatshëm të furnizoj me këtë çmim, në mënyrë që deklarata e OE të jetë më bindës AK ka kërkuar që të rritet vlera e sigurimit të ekzekutimit të tenderit nga 10 % sa ka qenë në dosjen e tenderit në 20 % me kohëzgjatje 13 muajve. OE është pajtuar me këtë kërkesë dhe ka dorëzuar polisen e sigurimit sipas kërkesës së AK-së. Ndërsa AK në rivlerësim nuk ka marrë për bazë dëshmitë shtesë të dorëzuara nga OE (sigurimi i ekzekutimit të tenderit në vlerë prej 20 % të shumës së kontratës), dëshmi këto të cilat kanë qenë të përcaktuara nga vet AK dhe janë konsideruar si dëshmi të mjaftueshme për realizimin e kësaj kontrate.

Përfundim:

Kompania jonë kërkon nga AK që të behet rishqyrtimi i këtij aktiviteti të prokurimit dhe rivlerësimi të behet duke u bazuar si në vijim:

- Vendimin i OSHP-së që tregon se rivlerësimi duhet të bëhet konform nenit 61 të LPP-së, duke respektuar nenin 4 paragrafi 4.4 dhe paragrafi 4.6 të rregullores B57.
- Mendimin e Ekspertit shqyrtues
- Vlerësimin paraprak të AK Dëshmitë e dorëzuara nga OE për ekzekutimin e këtij projekti.

Procesi i prokurimit:

Data e njoftimit për kontratë në KRPP : 30.11.2016

Lloji i procedurës së aplikuar:..... Procedurë e hapur

Lloji dhe vlera e kontratës së publikuar:Furnizim/vlerë e madhe

Afati i fundit për dorëzimin e ofertave (gjithsejtë ditë):27.12.2016

Data e hapjes së ofertave27.12.2016-14:30^h

Kriter për dhënie të kontratës:.....Tenderi i përgjegjshëm me çmim më të ulët

Lloji i kontratës:.....Kontratë kornize – 12 muaj

III.2)KUSHTET PËR PJESËMARRJE

III.2.1)Kërkesat e përshtatshmërisë:

1. Një deklaratë e shkruar nën Betim, e nënshkruar nga tenderuesi duke përdorur formën në Aneksin 2, me kërkesat e nenit 65 .

Dëshmitë dokumentare:

- 1.Deklarata nën betim e nënshkruar dhe vëlosur nga tenderuesi (duhet dorëzuar së bashku me tenderin).

Dëshmitë tjera lidhur me kërkesat e pranueshmërisë do të kërkohen nga tenderuesi të cilit autoriteti kontraktues ka ndër mend që t'ia jap kontratën. Këto dokumente duhet të dorëzohen nga tenderuesi para dhënies së kontratës. Në rast të dështimit të dorëzimit të këtij dokumenti, tenderi në fjalë do të refuzohet

Dokumentet të cilat do të kërkohen si dëshmi për përmbushje të kërkesave të pranueshmërisë janë me se vijon:

- a. Për situatën referuar pikës 6.2 [a,c,d,e dhe f] dhe pikës 6.3 [a,b dhe d], vërtetim i lëshuar nga gjykata kompetente apo autoritetet administrative të vendit të themelimit të tenderuesit- Vërtetimin nga Gjykata Ekonomike-për tenderuesin e propozuar për dhënie të kontratës.
- b. Për situatën referuar pikës 6.3 [h (tatimit)], vërtetim i lëshuar nga Administrata Tatimore e vendit të themelimit të operatorit ekonomik, se operatori ekonomik në fjalë nuk është delikuent (shkelës) në pagesën e tatimeve së paku deri në tremujorin e fundit të vitit [para datës së publikimit të Njoftimit të Kontratës] – Vërtetimin nga ATK-ja-për tenderuesin e propozuar për dhënie të kontratës. Në lidhje me dispozitat e tjera të përcaktuara në Nenin 6 si dhe në rastin kur lëshimi i dokumenteve dhe certifikatave që referohen më lart është i pamundshëm për arsye objektive, apo kur dokumentet nuk mbulojnë të gjitha rastet për të cilat është nxjerrë dëshmia, një deklaratë nën betim nga tenderuesi mund të pranohet si dëshmi e mjaftueshme.

III.2.2)Përshtatshmëria profesionale:

- 1.Regjistrimi në regjistrin profesional të ndërmarrjeve

Dëshmia e kërkuar dokumentare:

- 1.Kopja e certifikates së regjistrimit të biznesit me llojin e veprimtarive të regjistruara

III.2.3)Kapaciteti ekonomik dhe financiar-

Qarkullimi financiar në tri vitet e fundit(2013,2014 dhe 2015) të jete së paku 300.000,00 €

Dëshmia e kërkuar dokumentare

Konfirmimin nga banka për qarkullimin e kërkuar ose Deklaratat vjetore tatimore të dorëzuara në ATK.

III.2.4)Kapaciteti teknik dhe profesional-

- 1.OE duhet të ketë kryer furnizime të ngjashme në tri vitet e fundit(2013,2014 dhe 2015) deri në shumë prej 300,000.00€

Dëshmia e kërkuar dokumentuese:

- 1.Listën e furnizimeve kryesore dhe relevante të realizuara në 3 vitet e fundit, duke saktësuar:
-furnizimet e përfshira,
-dëshmitë-certifikatat, referencat apo kontratat për furnizimet e realizuara.

Regjistri i ofertuesve sipas procesverbalit të hapjes publike:

Nr	Operatoret ekonomik	Vendi	Çmimi total për njësi €	Vërejtje
1.	“Mendi Trade”	Prishtinë	37,818.05€	JO
3.	“Meteor”	Prishtinë	24,753.91€	JO
4.	“Florenti”	Mitrovicë	27,331.00€	JO
5.	“Beni Dona”	Prishtinë	25,061.50€	JO
6.	“Hajdini Commerce”	Prishtinë	21,865.50€	JO

Komisioni vlerësues pranë AK:

Përbërja dhe kualifikimi i komisionit vlerësues.

Autoriteti Kontraktues për vlerësimin e tenderëve ka caktuar komisionin në përbërje prej tre anëtarëve, si në vijim:

- Nexhmi Mekolli - Kryetar i komisionit
- Arbër Gashi - Anëtar i komisionit
- Arlinda Cakiqi - Anëtar i komisionit

Data e mbarimit të vlerësimit:18.04.2017

Data e nënshkrimit të raportit nga zyrtari kryesor i prokurimit:.....18.04.2017

Data e njoftimit të Dhënies së Kontratës në faqen e Krpp-së :.....18.04.2016

Sipas raportit të komisionit të vlerësimit ofertat të PËRGJEGJSHME janë:

Nr.	Emri i tenderuesit të Përgjegjshëm	Çmimi i ofruar	Radhitja sipas çmimit
1.	Mendi Trade	37,818.05€	5
3.	Meteor	24,753.91€	2
4.	Florenti	27,331.00€	4
5.	Beni Dona	25,061.50€	3
6.	Hajdini Commerce	21,865.50€	1

Raporti i komisionit vlerësues:

Komisioni i Ri-vlerësimit të ofertave për tenderin “Furnizim me artikuj ushqimor për nevojat e kuzhinës së Institucioneve parashkollore në Prishtinë”, duke u bazuar në vendimin e PSH nr. 56/17 dhe duke vërtetuar se OE “New Line&Bajraktari”, i cili ka ofertuar me çmimin me të lire të ofertës ka dhënë çmime Jo-Normalisht të ulëta në disa artikuj, andaj komisioni vendosi që për kontratë ta propozoj OE tjetër me radhë: OE “Hajdini Commerce”, me vlerë të ofertës prej: 21,865.50€.

Neni 54 i LPP-së – Njoftimi i kandidatëve - Tenderuesve

AK-ja, konform neni 54 të LPP-së dhe neni 37 të Udhëzuesit Operativ për Prokurimit Publik, i njofton operatorët ekonomik me letrën standarde.

Neni 108/A - Zgjidhja preliminare e mosmarrëveshjeve

Pas pranimit të letrës standarde OE ankues konform neni 108/A ka parashtruar kërkesë për rishqyrtim, me ç'rast AK-ja, ja refuzon ankesën si të pa bazuar. Duhet sqaruar se OE ankues ka parashtruar kërkesë për rishqyrtim brenda afatit të parapare në neni 108/A, ndërsa AK-Komuna e Prishtinës nuk e respektuar në tërësi neni 108.4 të LPP-se, për faktin se nuk i ka kthyer përgjigje OE ankues brenda afatit të parapare në neni e lartpërmendur, duke e arsyetuar me ngarkesë në punë.

Eksperti shqyrtues vlerëson se edhe pse vendimi i AK-se është vonuar OE ankues nuk e ka humbur afatin për parashtrim të ankesës sepse sipas neni 108 të LPP-se, në momentin e parashtrimit të kërkesës për rishqyrtim pran AK-se, pezullohet automatikisht aktiviteti i prokurimit të cilin AK-ja e ka pezulluar me vendim.

Përgjigjet e ekspertit shqyrtues në lidhje me pretendimet ankimore të OE ankues:

Sqarimi nr.1

Eksperti shqyrtues, sqaron se pas vendimit të panelit shqyrtues, me nr 56/17 të datës: 05.04.2017, AK-ja e kthyer në Ri-vlerësim këtë aktivitet të prokurimit, konform vendimit të lartpërmendur.

Sqarimi nr.2

Eksperti shqyrtues, pasi i ka analizuar shkresat e lendes sqaron se AK-ja, gjatë Ri-vlerësimit të ofertave gjegjësisht paramasës dhe paralogarisë së OE ankues "New Line", nuk është bindur me çmimet e dhëna nga OE ankues. Me saktësisht OE ankues përveç pozicioneve tjera, në pozicionin nr. 47 të paramasës – Mish Vici i freskët/kg, ka dhënë çmim prej 0.70 euro/cent.

Eksperti shqyrtues, sqaron se gjatë Ri-vlerësimit AK-ja i ka analizuar edhe njëherë shkresat e lendes, dhe përkundër sqarimeve të dhëna nga OE ankues (sqarimet të cilat AK-ja i ka kërkuar herën e parë, ndërsa pas vendimi të PSH-se, nuk ka kërkuar sqarime, me arsyetimin se kanë qene të mjaftueshme), i cili ka deklaruar se jemi të gatshëm që të pranojmë edhe rritjen e sigurisë së ekzekutimit, AK-ja nuk është bindur për faktin se çmimi prej 0.70 euro/cent është Jo-Normalisht i ulët.

Në lidhje me këtë pretendim eksperti shqyrtues sqaron se konform neni 61.4 të LPP-se, vlerësimi i çmimeve është e drejtë e Autoritetit Kontraktues, andaj, ky pretendim i OE ankues është i paqëndrueshëm dhe njëherit eksperti shqyrtues, sqaron se edhe vet OE ankues në aneksen e tij e pranon se ka ofruar çmim prej 0.70 euro/cent, për të cilin deklarohet se kemi humbje në këtë produkt mirëpo mbulohet nga artikujt tjerë që janë me fitim.

Sqarimi nr.3

Poashtu në lidhje me pretendimin e OE ankues se AK-ja, ka bërë shkelje të neni 7 të LPP-se, eksperti shqyrtues, sqaron se në shkresat e lendes nuk ka vërejtur diskriminim apo trajtim të pa barabartë të OE-ve, në këtë aktivitet të prokurimit.

Eksperti shqyrtues, siç e ka përmendur edhe më lart sqaron se sipas neni 61 të LPP-se, është e drejtë e AK-se vlerësimi i çmimeve të ofruara nga OE-te, dhe nga provat e dëshmuara nga OE ankues, AK-ja nuk është bindur me çmimin e artikullit nr. 47 të paramasës së OE ankues "New Line".

Eksperti shqyrtues e vlerëson ankesën e OE ankues si pjesërisht të bazuar për faktin se AK-ja, nuk e ka respektuar në tërësi neni 108/A të LPP-se.

Mendimi i ekspertit shqyrtues :

- Eksperti shqyrtues bazuar në konstatimet e cekura në ekspertizë mendon që Autoriteti Kontraktues – **Komuna Prishtinë**, për aktivitetin e prokurimit **“Furnizim me artikuj ushqimor për nevojat e kuzhinës së Institucioneve parashkollore në Prishtinë”**, me numër të prokurimit: PR616/16/169/111, i ka respektuar dispozitat e LPP-së.
- Prandaj eksperti shqyrtues i propozon panelit shqyrtues që ta aprovojë vendimin e AK-së për dhënie të kontratës dhe njëherit propozon që ankesa e OE ankues te aprovohet si pjesërisht e bazuar.